

詩

仙翠齋集

卷二

佔畢齋集卷之五

羽陵行送金進士尚簡之蔚珍時進

博為縣令

予山一點滄溟中若非羽人那可到洪波百丈激
雷雨蜩象天吳自顛倒至今恠殺異斯夫木獅載
入羅威稜乃知客星犯牛女事絕恍惚猶能徵緇
羅千載不復通生死自作施源民寒暄榮落是曆
日黃金紫貝寧為珍尊公剖竹在東滄正與異境
遙相望安得隨君賦遠遊軻義大舩凌風翔蓬瀛
咫尺招群仙啖棗絕嶼同聊浪紅塵挽我不從容



送君夢落楓岳東人間義馭幾濛汜山上蟠桃應
結子

送善源還伽倻舊居五首

吾年近不惑昧昧尚面牆與君久比鄰夜夜同燭
光脩綆汲古井幽思回剛腸僑居稍相隔風雅還
茫茫况此歌驪駒兩鬢幾莖霜
善源乃亢間世俗自蒙耳喧喧蟬噪中泯默追正
始寒菹雜書卷氣味誰得似康成在蓬蓽猶能化
鄉里懷哉不可挽障袂空徙倚
蟋蟀入床下唧唧催功裘每得故園信何心問口

收八蜡不自通鬼神亦堪羞君故正浩蕩不作翁
梁謀逐祿但囁嚅鄙夫將誰儔

我住不為住君故不為故明春大庭策非君且誰
期我家有鶴髮行將舞萊衣何假叩秦筮人事當
如斯只恐北與南鷺鴈兩相違

鄒山有紀堂有薇有瑤草鄒水有潭瀨有魚有荇
藻採雲復漉月可以資談道雖微食方丈山水澹
忘老會當從之遊物外共探討

次萬岭臺卷閑亭韵

盧龍仁鉄堅父川寧村莊自扁也

八窓嵐霧更晴曛坐覺湖山氣候分水落溝塍霜

後見風生竅穴靜中聞年華也任千莖雪野興頻
賒一甕雲堪笑老來乾沒者天刑人禍不饒君
野外輪蹄少壺中歲月深但傾無事酒肯作不祥
金古調吟黃菊清風入素琴終然棲畎畝長有祝
堯心

歲月休將問曆家菊花看了自梅花萬岭臺上從
頭數來日無窮去已多

白石清泉即故鄉芝蘭何處不馨香主人正是三
休老管得閑中日月長

十月初六日 上命本署印進帝範訓辭是

夜喜而不寐

文皇帝範如從事天下真堪運掌中可是永徽師
父訓晚年繼述只昏風

世祖明明有訓辭十條雖簡乃元龜鯁岑自是區
區地萬寓陶鎔亦在茲

帝範訓辭相表裏聖謨千載日星明小臣承乏芸
香署火急裝纈進邇英

挽趙別提籬

父母移葬

墳在豐壤東十五里許將為太上山陵故

移葬于某原

劈開長夜移蒿里華樞容衣更儼然好向新阡妥

精魄周遭不異舊山川

書金貴一詩卷

貴一慶州吏也從歷等監司為營吏頗有
能稱又募為驍勇從韓上黨君成北方李
施愛之亂又從軍得免吏役求詩於群公
積成卷軸若李政丞仁孫黃政丞守身金
叅判淳曹叅判孝門等詩皆在焉

瑇琳在王府金石猶克貢小草有苓朮盡入湯劑
用凡物無棄材斯人况磨礱能將刀筆手六鈞時
自控棠陰昔醇謹榆塞今飛鞚幕府上首級身已

脫僂從矯矯幽并兒縮手不敢縱桑榆尚非晚將
相寧有種所貴顧初服要為鄉里諷勉記諸公詩
詩語俱鄭重

又次諸公韵

身佐爰書自妙年如今馬足踏燕然功名須為仍
雲勉平地終成尺五天

大行大王挽歌代任西河作

聯曄三韓主功隆道更尊沉幾能先物神畧自亨
祀禮樂看周制蠻戎慕漢恩憂民誠惻怛事大賚
便蕃鈞築收賢輔圖書演聖言詰兵非有警開甌

孰含冤盛業今如此孫謀不可護方期嵩嶽笑忽
駕帝鄉軒夜壑舟何在天衢日已昏民心同考喪
臣涕特瀾翻代邱瞻龍躍虞廷忝駿奔崇班真越
分厚賜每兢魂未得酬天地還悲敵寢園素儀辭
殿閣苦霧暗川原復土依遺令因山示後昆此生
知來已獨立向乾坤

又代人作五首

周道方還恭堯年未勸勒仁威侔帝則禮樂煥人
文卜世超三代賓空擁五雲蒼梧悲寶仗不復御
南薰

猗蘭光奕葉丹極覩飛龍盛烈家爲國深仁草偃
風憂勤遺軀縞素泣臣工十四年問事煌煌汗
簡中

赫赫中興聖明朝庶事康精微洞裁畫制作邁充
章末命纔憑玉璽圖已係桑小臣摹日月空有涕
霑裳

東海提封遠青丘日月明文章輝黼黻彌令亟雷
霆未擬舟移壑俄驚夢滅齡徽稱二十字千載照
丹青

儉勤師大禹勇知邁成湯霄旰貽謀遠文明履運

昌煌煌金鼎藥忽忽白雲鄉空抱胡髯泣光陵慘
夕陽

金三宰

既毋氏抗

手拋奩具閱堯真富貴居然過一生浮世九旬為
聖善崇班二子擅光榮兒孫擁路轎車逗風雪
山梓樹鳴誰向佳城偏慘戚水流花謝本無情

聖善暗用衛風

寒夜戲書壁

坐具仍兼卧具施騰騰隨分省營為脚婆不作寒
氈伴况有心兵起小姬

獸若如金山

汝故緣病毋吾滯為新君歲晚誰相守天寒不忍
分開亭宜少睡盜賊動成群更念方髫稚難解道
路勤

十齡入小學汝已後於吾聾瞽吾猶患箕裘汝可
圖存心從唯諾為學慎樞趨突弁今無幾殷勤導
聖謨

新春闕下

騎馬青門裏探春紫閣邊家家競投璫曲曲已飛
鵲老雪封宮瓦晴烟暗市廛故園梅意動何日賦

畝田

夜踰草站

層巔空迷旅深夜叱征驂雪色千巖縞風聲萬目
酣貪程迷鳥道回首過龍潭却喜東華客身今在
斗南

冶爐叢衣洞喜善源至次其韵

石路荆榛手自披鵲聲簷角報人知憑誰畫出青
燈下共燃吟須覓小詩

平夷花樹欲離披春到山村忽得知王事數旬拋
景物故人先我有新詩

蠡石樓効郊隱

高樓明月梅花時造物撩我拚一詩
嘶巾青鳥集錦筵醉興未覺繁華衰
光風泛溢靡蕪渚渚邊楊柳斜陽遲
欄干倚遍望雲海鐵笛暗和飛瓊詞
丹丘何處擬可到鏡中不怕霜毛垂
戕與天公拍手笑傍人爭道一段奇

海上曾聞第一區春風來倚仲宣樓
自嫌塵土迷清賞豈有湖山負勝流
故故梅花迎酒笑開開屬玉向人浮
白雲東望庭闈近不用閑愁滯遠州

蠡石樓雜詩寄贈安東趙教授
昱曾任晉寧

有所盼嘗著香夢錄

酒闌孤月下西廂隔岸人看盡燭光恹底梅花更
消瘦空階一夜有微霜
上渚下渚春水生芳菲晴日滿簾旌漁翁款款鳴
榔返城裏人家盡月明

長林藹藹連蒼壁粧點臺隍晚色新倦客不知為
盡本欄干獨立數行人

小瓶春色最繁枝鐵面蒼髯共一卮翡翠飛來欲

偷眼樓頭正是捲簾時

時折梅花冬栢各一枝
技掉小瓶置之案上

白白朱朱兩女仙虞庠才子故應憐依然當日春

風面香夢年來幾度圓

紅水江花還有情倚樓人老永嘉城蘇娘絕嘆文
章妙曾見華牋絲華鳴人老華鳴紀所語

馬上望智異山

塵埃三十年徒自飽山名今日晉陽路遙看未了
青般若與天王去天尺不盈諸峰盡兒孫亦各闢
崢嶸驅馳不敢暇臺臺懷雲高豈無濟勝具愧我
縛塵纓安得九節杖劉阮與同行柱到青鶴洞秋
風拾黃精

洛東謠

黃池之源纔濫觴奔流到此何湯湯一水中分六十州津渡幾處聯帆檣海門直下四百里便風分送往來商朝發月波亭暮宿觀水樓樓下網舡千萬緡南民何以堪誅求餅甕已罄櫟栗空江干歌吹推肥牛皇華使者如流星道傍觸體誰問名少女風王孫草游絲澹澹柔芳渚望眼悠悠入飛鳥故鄉花事轉頭新幽年不屬嬉遊人倚柱且高歌忽覺春興慳白鷗欲笑我似忙還似閑

宿青松府

一春蓬轉此身孤已覺良辰失所圖帳裏香銷

欲盡萬山深處宿青鳬

閏二月二十一日路上風雪

河路上雪迫人風亦凶餐共香未莫問天翁借
號令清明烟雨逐番新

梁山澄心軒次韻

人物當時第一流精忠空想割雞秋分明怨血薰

蔭上留得滄溟萬古愁

新羅村堤上為興郡太守死節於日本

烟景迢迢望欲流客情寥落却如秋世間堅白悠
悠事坐對澄江莫說愁

次朱教授伯孫詩軸

回琴點瑟滿襟期獨立春風自詠飲今日敢叨青
眼客古壇深處醉吟詩

榮川小樓次韻

班馬登樓強自寬殘春心緒即憂端
牆頭把酒紅渠膩簷角鈎簾碧樹
摸長嘯可堪勞遠別浪遊聊欲盡
瓌觀烏川物色供詩料贏得吟哦賭一閑

鄭公從韶為郡守撰此樓梵池
我花有雜詠十五首鄭烏川人

道傍松皮剝盡

骨立千株復萬株凶年曾不惜肌膚
嗟我謾持河內節坐徒虛然汲大夫

星州次善源

楊柳飛綿麥有波
年光隨處觸詩魔
春風過了雖堪惜
猶遣騷人管物華

嶺南樓次韻

登臨正值浴沂天
灑面風生倚柱前
南服山川輸海上
八窓絲竹鬧雲邊
野牛浮鼻橫官渡
巢鷺將雛割暝烟
方信吾行不牢落
每因省母忝賓筵

戲贈表都事

村酒帶騰未易醒
有人剝剝叩柴荆
枉教鷺起華胥夢
還似松間喝道聲

薨疑
作謗

遊鄭通貧池亭是日急雨

主人發天秘籬落成滄浪孤亭如鳬鷺載我浮中
央清颺動巾幘山翠溜壺觴魚遊簷影下撥刺聞
餌香白鵝刷其羽曲渚彌且翔飛絮罷嫩柳紫綿
搖海棠東阡與西塲橫綰供周章爭教車馬途辨
此水雲鄉聊將倦遊悰一笑酬年光森森萬銀竹
颺省驅商羊鏡面生亂渦藻荇相扶將頃臾付一
快草木耿斜陽餘風舞連漪送我吟聲颺羨君熟
幽興萬事不悲涼

家園教步三首

具親
作具

意竹閣遠小巖隔一掬清泉當酒盃
開到梨花風不定呼兒挈得袂衣來

揀得黃腸送玉京弄雛堂下又懽聲
遲遲去魯無人訝閑卸征輶立晚晴

正是山家筍簾時况蒙地主送鮮肥
一春生事皆隨分其奈辭親又北故

忠州不得舟行時方載稅米議價不下言具

二十錠

一棹倦遊天所阻索錢如許惱行人
琴休浦口詩家累又拂征衣驛騎塵

龍仁園亭小憩

驅馳數百日常日聊息駕玲瓏樹陰中愛此清風
樹使君早飛鳥殘吏能迎迓亭亭荷萬柄罇罍襲
水麝小魚游且跳浮萍蘖成罇隱几正熟睡山鳥
鳴上下夕陽在前川行人猶未舍誰知開輔地偷
此一餉暇岸巾更浩吟千祇未警夜

駒輿驛聞閔同年粹流濟州

已丑四月始修世祖實錄乙亥以後職
帶春秋者皆納史草粹亦納之既而聞史
草皆令書本官名粹懼大臣見其直書

惡而啗之陰請于奉教李仁錫及僉正崔
命孫不與焉又要于博士康致誠致誠袖
其草出與之粹倉卒竄改不暇淨寫而還
檢閱楊守泗崔哲寬見其塗擦洗補白之
李參議永垠永垠徧告諸堂上僉曰非細
事也乃聞于上初正言元叔康啓史草
書名非古也恐無有直筆者請勿書名
上怒而不從至是副正金季昌告叔康史
草亦多塗改遂俱繫義禁府上親鞫之
粹云臣所書皆大臣事也其大臣皆在實

錄閣臣慮為中傷故謀改也因大哭曰臣
獨子願續軀命上惻然曰直哉予在書
筵時知粹之為人遂免死杖百屬濟州官
奴致誠初不以實對且妄引舍人成叔知
狀拷掠乃服遂與叔康處斬命孫仁錫知
而不告杖百本貫充軍

作史須人禍全生是聖恩海山佳處佳莫散楚人
魂

非君負良友天鑑自昭融他日重泉下何曾愧伯

恭
伯恭亢魏高允字

送金懷德 國宗還故居金作亭扁以柳種蓮

其下

人間踏地有危機袖罷天風得得啟亭柳待吟搖
翠線池荷供笑次紅衣檀公上策君能了賀監清
遊吾久違今日臨歧送行處不堪鄉國意如飛

僑寓興仁門內詠萱花

丹棘青裳一種心可憐生不在華林早提金質操
炎序散擢芳莖轉午陰豔婦競將紉雜佩愁人未
信破煩襟北堂渺渺天南極慷慨還為遊子吟

以兩六言

樹頭割垂龍耳爨下聞丁子聲西鄰驚怕折趾半
夜屋倒牆傾

坊郭泥塗如海開河車馬不通何當混沌開闢造
化政爾無功

六月日試春秋館藝文館成均館承文院及
本署文臣于思政殿月廊以曹操造問許劭
邵曰子治世之能臣亂世之奸雄人一也而
治亂有異何也終之以知人則括惟帝其難
之予亦難於用人何以而可不拘古律以對

臣宗直應製曰

夷險方知偽與真始終一節是純臣子將深鑑
明甚孟德亢非稷卨人

二卯干城詎可捐由來才德罕能全佞陋未必忠
唐者自是人君所使然

英雄方得馭英雄草昧艱難只要功監嫂或能基
漢業無知可是薦陳公

治世人材野弗遺心如其面或難知有才無行應
須別不是彌眺擊柱時

一舉臯陶不仁遠九官齊之獻嘉猷後來用舍看
堯舜縱有工豈不足憂

魏巍舜殿日華新
鸛鷺充庭翼聖神
草澤况聞搜
隱逸阿瞞可作亦能臣

田隱四時

安典叢書彙編

世宗大王外孫

漫漫坡壠殘雪寒
勒東君弭玉節
園林忽值此
粲者桃李箭
參盡愁絕水邊籬
落玉孫家尋香緩
步看橫斜
縱有纖穠來
唐突一團和氣思無邪

右梅坡春色

南維赤緯劇焚爍
幽人窓牖涼於水
每當炎熱含
清風此君豈伊
夸毗子階除永日披襟當不數
亢亮傲義皇
錦棚雪檻誇豪富
爭似茆齋六尺牀

右竹窓夏風

瑤空露洗浮雲滅，滉漾中庭流皓月。
褰衣對影掇金英，便覺清香着肌骨。
此月年年一掾光，纔添小
草非尋常。懷家瓦盆何可負，不須更帶茱萸囊。

右菊庭秋月

寒威屢顛天地閉，萬卉如癡守根柢。
胡為滕六更由餐，唯有蒼官能蹕厲。
東阡南埭光陸離，鶴氅緬想仙人姿。
踏雪看松也不惡，判教清氣裝詩脾。

右松臺冬雪

書夏官郎中契軸

簪笏峩峩珮璫長昌朝飛步屬周行縉雲俱忝黃
麻選武庫爭看紫電光伏下天街時並馬櫟閤郎
署共銜觴歲寒莫負松筠操免被傍人舌轉簧

七月 賜承政院酒連三日翊日又賜詩及
酒詩曰三日雖既困莫辭予所錫此意非他
心宗圖永盤石在座者皆和進余時在秘閣
擬和二首

天顏不遠尺密勿龍光錫節德歌鳧驚何煩協金
石

納言愧堯龍猥荷天厨錫報效期桑榆自信心匪

石

狎鷗亭代作

上黨君韓明澮構亭於漢水之南大明倪
學士謙扁以狎鷗取韓魏公之名亭也且
有記陳內翰鑑會稽陳贊贊子嘉猷張給
事寧浙東金湜等皆有詩本朝諸名公皆
賦之

東湖水一曲百頃青玻黎漁舟矻其瀨芳杜被其
堤高人愛冲曠結構非穰題暇日追勝賞罇酒費
提携機心漸銷遣竟與禽魚迷公來謳鳥集公去

漚鳥啼所以得公憐狎玩忘簪主雖有爭席人婦
姑無勃瑛海客豈同調忠獻聊思齊何嘗慕騎鶴
亦不希乘鷺九重頗虛佇難辭公膳難落日入東
郭欄街唱銅鞮

同前代作

楊柳薰葭似畫圖高人華構接蓬壺曾將玉貝柱
麟閣却擬黃冠畝鏡湖把酒倚欄鷗自狎巾車入
郭月還孤機心我亦些些在才到亭中忽已無

待漏院議政府文臣賦試清字韵

丹鳳門前擁火城蒼龍闕角看明星相君戾止整

冠珮院吏跪報鷄初鳴黼座金蓮燄未吐玉漏點
滴花外聲疑神端坐拄手板百慮皎皎來襟靈善
惡之幾只抄忽天下以之為重輕前有王范後章
蔡誰為院辱誰為榮宋室隆衰已陳迹箇中龜鑑
何分明三復棘寺瓊瑤文千載炳炳如丹青我願
後來待漏人勿為撓揀為迂衡天工天職正吹萬
所貴激濁而揚清

送梁觀察使

順石

赴黃海道與徐判書同賦

羽儀曾會上扶搖睿眷仍將物望饒錦帳南宮叅
制作熊車西海採風謠掄材自幸陪談論問瘼須

知省教條寒菊朔雲離思苦蟾帷何日却還朝

今秋與徐判書梁參議同在
成均試監試故五句及之

成判書任母安氏挽章

嗣音不獨家人饋教子兼希孟母遷風望早因慈
訓符生榮况與死哀全萱闥謾蠅飛枕蒿里新
開鶴吊阡我與三郎交莫逆西風相挽意茫然

崔主簿王閏挽

玉京底滯豈他心悵望林間反哺禽五馬朱嘶桑
梓里銘旌空指白楊陰

自從孤幼當門戶浮世駸駸四十三天道曲來難

可必斯人無壽又無男

送俞生負落第還咸陽

幽懷抱玉未曾攄肯向朱門學曳裾
故夢每迷天嶺月貧餐不要漢江魚
親闈歲晏重添線旅館更長倦秣驢
好把壯心謀後舉知君端不負詩書

太上太妃殿春帖字

崇
東臯初暖律永巷又春風
福履同樛木千齡母道

王大妃殿

韶光回桂殿淑景麗金鋪
肅肅陪長樂徽音自不

孤

大殿

疊臺三陽進熙熙萬象春頓令賓日地共荷發生

勻

中宮

蘭掖條風早淑闡瑞霽新徽音兼福履輿頌達封

人

藏餘用有藏

四十明朝至組年難挽回不塔窺密室只怕動寒
灰守道唯安分陶情且索盃兒童增意氣相映賣

癸亥

小正卷五

七

佔畢齋集卷之六

睿宗大王挽詞

聖神文武應千岭共擬青丘泰道亨德布幅員渾
雨露威摧奸軌亟雷霆忽驚憑几音初秘復導因
山制已成二載厚恩慚未報恭陪羽衛泣吞聲

同前

參決三朝際憂勤積恤中文明符帝舜恭默邁商
宗末命楊憑王群心慟奔弓龍章無復覩流淚滿
東風

同前

繼述煌煌業英明冠百王父臨纔二祀嬰慕徧群
方未罷呼嵩頌俄驚脫屣忙橋山何處是空望白
雲鄉

聞玄風以下大雪

南州大雪一丈強茂溪以北山蒼蒼羈禽失木飛
且墜竹旅填坑立不僵可憐冬候亂春候共訝炎
方同朔方是非關遠遊子却喜梅花依舊芳

和鄭密陽亨

一州天地自清寧正是牛刀宰武城忽有汪恩沾
鵲髮從知高義薄鴻冥

贈日本西海元帥源教直使者

王帳龍泉靜海瀾名香來進鷓鴣斑無端晤語賢
後事如對將軍萬里顏

從來迎犒遠人歌祀國天崩過八音客路數个空
軟飽交情賴是重南金

嶺外春風苦憶故憶故長是夢宣枝送君今日伸

吾孝錫類曾緣共秉爨

僕回程將首母于密陽使
者知此意嘆曰我七十餘

歲母在本國前年五月辭來以此故心甚
迫大人明日間戲綵之樂為何如

浮天鯨浪一扁舟五綉風輕不自留立馬看君鳴
艦去熊神斜日思悠悠

津穀
作律

天吳飛舞海門開風送征颿却穩回他日重期雙
闕下知君專對定應來

僕承 殿下命津送之下還國艱關道路
得共盃酒之雅筵訖二旬今到齊浦臨別
戀戀有縞紵之懷聊以拙詩代為行贐不
足充源公帳下兒所看云皇明成化六年
二月初四日朝鮮國某官某識

奉柬孫鳳山兼呈吳教授余時在村莊患寒
嗽

故鄉春興故相牽誠拂征衣下日邊草色未勻霜

欲盡梅花繞動月將圓縈懷鬱鬱文園病畜懶
昏子美眠珍重耆英應記憶身輕何處掉觥船

合浦李節度使克均送老母旨味以詩為謝

敦詩說禮氣如雲三帳牙旗掃海氛壯志猶懸
落柵威聲直壓棘門軍南樓風月誰陪賞北極星
辰早徹聞老老餘恩及窮巷蠻牋珍誦感斯文

吳教授見和復呈與仲兄同賦

竣事無人更挽牽故心還在五雲邊酒因多病神
難敵詩為傷春語易圓少女風前胡蝶舞辛夷花
下麝香眠幾川庠老能容物早晚同乘雪月船

城主以黃魚十尾饋我大夫人詩以為謝

春風鄉國鯉魚肥五五朋來忽款扉鄰里不知臺
餽至錯將誠孝比姜詩

吳教授見和復呈

烏帽紅塵夢易空暫時酬咏杏壇邊自慚魚目忘
懷售忽睹驪珠滿紙圓鄉國雲烟猶百態御溝楊
柳想三眠憑君莫負樽中醪遊宦真同上瀕船
密陽東軒梅花初開吳教授及城主有詩次

韻

雪裏誰誇庾嶺梅南枝開了北枝開癸卯二月

春信莫問花魁材不材

一元消息訪寒梅却恨東風未放開
擁臯忽然逢粲者從教桃李不時材

孫鳳山用前韵作演雅以寄復和

意馬飄揚莫謾牽亂隨蜂蝶到
邊燕尋舊壘泥初暖魚觸新荷露未圓
輦轂以叨鷓鴣列林泉思與鹿麝眠
幾川堪着蝸牛舍桑可供蚕步有船
黃犬蒼鷹臂且牽閑驅狐兔野亭邊
長圍豕突巖花落寒食烏啼隴樹圓
丙穴鱗魴俱厭飲窪樽蛆蟻盡酣眠
鹿鹿自慙非賀監誰言騎馬似乘船

後一首叙昨日擊鮮之樂時寒食日城主
邀予飲于無訖朝下獲獐猶晚飲于萬魚
山下會者南監察倚安札安億壽成南海
秀蕪朴叅軍宗亢張叅軍鼎也鳳山及吳
教授皆托故不赴故以此詩誇詡云耳

和東萊靖遠樓

千尋樓櫓蔭垣堧蜃彩還迷漲海邊
睥睨夜傳寒戍角欄干春尚故人遙
青霄使節爭瞻峻荒徼兵籌不乏賢
二度見來猶幕府酒盃隨分且陶然

時今大司憲李克聚任金副正李
昌奉使留飲于此余與成都事來會李要
余賦之

和梁司直德言詩軸二首

少時青紫謾纓情
魂夢年來不到京
山郭水村皆順境
高情寧事孔方兄

鄉國春風亦世情
也能催我返神京
何當來結鷄豚社
溪友園翁共弟兄

孫鳳山吳教授復和演雅次韵與仲兄同賦
蝸角功名苦被牽
鷗盟寒却釣磯邊
豈緣螢焰能開暗
自是稀膏易運圓
款段每尋花下飲
勃姑時覺竹間眠
年來世味如蟬翼
擬問滄洲范蠡船
曳綫飛鳶不受牽
惺惺鶯語竹籬邊
泥露符葉蛙鳴開
露坼花房蝶夢圓
細數鴈行扶杖立
閑拋雉

翳枕書眠春風猿鳥渾相念
湏更持螯泛畫船

孫吳和余二月梅韵走筆復和與仲兄同賦

野老年年折作藩群芳調笑苦相喧
玉妃遲暮奈賦命青鳥寂寥空斷魂
此日不緣水蘂醉明朝只有蠟耐存
上林密地應多隙借問何人移故村

清州訪南溪道士明日却寄

南溪道士即慶友人近自甌也

胡奴種秫南溪北赤脚拖菜南溪南
道人長嘯閑關卧壁間自署南溪衝
客來剝啄亦不嗔酒既吟冽殺豐甘
紅塵韁鎖誤人甚夜月來共歲皇談

四月初一日陪祭永昌殿有雨是時百官分

班入景安殿

鳳闕平明金鎖開
百官分著兩般衰
殿頭清唱穿花出
城上愁雲送雨來
仙仗東西非舊彩
隙駒前後有餘哀
漢家奕葉真瓜瓞
誰獻堯門萬壽盃

時永昌殿練服景安殿斬衰

和台甫書懷

誰家桃李得春偏
零落還應惜少年
且向木屏看造化
不將邊暮怨蒼天
平地危瀾詎有涯
官情如水復如紗
嶺南樓下誰相念
曉鶯眠鷗簇暖沙

輦轂故來鬢欲華猶將八口寄人家
閑窓折得茶蘼看無賴東風驚地過
脚底紅塵歲月流鄉心無奈轉悠悠
木天高處慚非分他日尋君東海頭

和蕪善送春用國華韵九絕

濃綠千枝一點紅何人取次覓春風
年年不管花開落只怕樽中酒易空
餘醪送酒絕堪憐一斗傾來合自然
翕翕炎間皎皎質可能相伴到殘年
少日只饒心似絮中年事與華年隨流水

句引猶勝飄空無定情

由來野性懶乘時
脫却韋弦亦不知
忽有黃鸝鳴樹杪
又揩病眼便尋詩

白雲天際想孤飛
寂寞無人導少微
猿鶴相思莫相怨
吾今緝得芟荷衣

百世君看臭與芳
十年吾亦慣閑忙
漢庭已召嚴徐輩
不要伊優在北堂

誰能喚起卧龍來
桂酒殷勤勸一盃
大地佳生望

雷雨若為孚甲盡
教開時早甚過芒種猶未播已播者猶未甲折

桑麻榆柳擁衡門
一曲梨川數畝園
儘得空壚寔

炊玉故山回首每銷魂

山翁康濟自家身
須信堯夫語最真
愧我身猶未
康濟頭風肺疾送殘春

送台南赴劄山帥府

崔侯同年又同郡
百里負米志亦同
往者論事罷
遺補橐韃馳赴洛
水東洛水東
雞林南我昔試作
幕下士君今復著
從事仁人言從事
勞我道從事
好大和形勝天下
稀况值升平邊警
少戍樓明月
刁斗閑蓮府風流
非草草呼鷹鳳皇
巖斫鱸魴魚
津要傾東海八盃
杓醉中吟興生陽
春詩跌宕酒

淋漓舞老校歌妖姬真率常陪大府歡愛在且壓
書生酸崔候崔候勿逡巡齧齧紅塵有何樂金陵
楚圍不甚遠伏臘承顏也不惡主人仁賢肯見阻
月日猶能致滋味長安巧宦那可慕人生適意茲
為貴從君更問列鎮帥滿紙羸兵蘇息未

墮馬移疾國華以焦校書為戲書此以呈
建已之辰又墮驢故人終不問何如也知板齒依
然在金校書非焦校書

直廬偶吟

鴛劣那堪廁儁材道山風日覺崔嵬廟堂喜有懸

衡選經幄論思半草萊

漢陽端午

蒲酒相邀醉面紅
六街塵起日如烘
盡橋絲索爭歡笑
遮莫田家半寂空

五月初六日喜雨時與世蕃在經筵聽是日

開酒禁

北山膚寸冒千峯
甘澍潛隨昨夜風
共喜甫田皆甲析
應憐群意願年豐
感恩便欲龍三酌
乘興還思聖一中
日到高舂纔輟講
故鞍何惜濕金戎

紀夢

無端神變化有驗氣升沉沆瀣捫天喻埃風擁袂
吟遊山仍冒險觀水更臨深危或騎雙瞎收猶聽
八音霜鬚逐臣色青眼故人心霽景逢花鳥長途
值雨霑歌呼逃北里羈旅飽南琛得喪同雲雨悲
歡信古今紛紛亂無緒春夢不須尋

文武樓觀書籍

勤政殿左右有二層樓東曰文西曰隆
武奉化伯鄭道傳所名也自世宗時命歲
御府書籍令典校署掌出納

巍然文武樓東西正相對四梯著脚罷忽見飛鳥
背勤政乃並崇勢壓終南黛觚稜映采恩陽馬雲

霽霽規制真鬼功離婁目亦昧三皇五帝書戢戢
滿其內奇光屬奎壁夜夜不可晦半天落鮮魑云
香紛絳蔡蟬蠹不能欺如聞鬼神歎且與烟火藹
貽謀之所在日月自行空文武道不廢基圖益綿
遠百王誰敢配微臣玷秘署咄此山野態檢秩每
登降恍如游沆瀣愧無王充才精神空儻儻

移居東小門下尹正孝孫家

僑居抵是愛林立不向青門學故侯判斷市聲塵
晝寢剩饒詩興漲巖幽數年家具移來慣百世身
謀到處浮維鵲有巢能自擇傍人莫笑拙於為

書上洛君詩卷二首

上洛曾祖翼元公為左政丞時驪興府院
君閔公霽奉使往南方翼亢與諸公會餞
于紫霞洞府院君贈以詩曰金政丞孫金
政丞當時竹馬記吾曾丹青王化君家事
政事堂中日戰兢晉山君河崙為序金陵
奉使端木智政丞成石璘等分韻為詩是
建文三年秋也成化四年戊子歲上洛又
拜右議政徐中樞居正續是軸為序又命
予詩之

紫霞洞裏樹光秋見說神仙集勝流
四生雲瑤驚逸興一篇華藻振徽猷
相規只為謙謙得莫逞須因切切求
友道猶存黃閣上清風長使簿夫羞
宵襟千頃自澄清廊廟之姿值聖明
滾滾箕裘傳緒業煌煌鍾鼎勒勲名
沙堤樹色三槐茂海域天容八柱擎
貽厥已應基址大願將霖雨答蒼生

次尹洪川志詩軸

大隱非林藪風塵豈敢加折腰羞齷齪
懷寶謝紛華老更遭熙運閑宜聽豔歌
容吾陪杖屨乘興酒須賒

葵畦莎徑類村家奈此明情鬱鬱何過了春風猶
開戶當時醉伴覺無多

早綴鑾坡供奉班可憐無藥駐朱顏如今一覺黃
梁夢揮塵猶談舊日歡

東觀風流說二班誰知我亦早晞顏君能歷歷籌

人物贏得當時客右歡寫君世宗朝以治平要覽書
仕集賢殿今已老矣每

說人才全盛時未嘗不嘆息

六月中旬聞慶尚道雨

聞道東南雨愁人喜欲狂稻梁雖莫及芋栗豈全
荒愧忝金華講思抄陸相方夜來多少夢一半在

高堂

世祖惠莊大王樂章

崑崙世祖實天生德整頓皇綱延弘大業昭哉文
武煥焉禮樂創守隆功垂耀無極右巍巍曲

維天命畀一德集禎符烝哉我后手握瑤圖丕承
武烈闡文謨肅清內亂總攬權綱陽舒陰慘靖四
方黎民耕鑿鄰寇梯航便蕃帝賚受龍光纂禮修
樂制作一新貽謀燕翼裕後人於昭于天綏我
成千秋萬歲啓隆平右天命曲

兼善次我直廬詩復和

自愧平生幾線才
澆來曾次尚羅嵬
如今丹地開
黃卷閑却長鑱斲野萊

中無抱負愁遺才
正是訟涯欲陟嵬
我不著書今
直閣虛名終愧呂東萊

送蕪善奉使永安道

時永安道有蝗綾城君舉蕪善令審虫旱
及救荒之狀蕪賜節度使及五鎮諸將宣
醞八月初九日發程蕪善曾為茲道兵馬

評事

龍荒父老揖風儀
曾見轅門草檄時
矯制尚容長

孺直逢山勿效孟陽嬉三軍共醉投河飲百里應
勞負弩馳關塞秋深轉搖落故來却和錦囊詩

文愈知修德毋氏挽

生榮無復憾駒隙亦堪悲舉案當時範闔門後世
儀龍津雲影合豈砌露華萎落日佳城閉臨風謾
涕洟

碎玉斗月課

玉玦無功玉斗來鴻門饒鼓正如雷誰知啞啞重
瞋笑不滿皤皤亞父笑怒氣崢嶸那識寶伯圖銷
落欲成灰當時不合為謀主臨死懼讒始乞骸

藍田寶氣燭鴻門王帳譟聲動虎賁亞父撞來同
瓦礫沛公擲得賭乾坤謀謨不省堪生癭功業無
成謾觸藩欲佐沐猴圖四海老年才智豈堪論

龍山落帽

月課

萬年乃佳士龍山真勝地况復九九辰三美忽相
值征西亦英物高會集僚吏盃崇菊花酒槃飮菜
羹餌談笑共舉白落日何辭醉是時秋氣高六幕
清飈至飈然吹鬢髮不覺烏帽墜眼底失紅綠天
公似相戲可人更有孫為文肆朝刺曠懷隘雲夢
何曾攬才思荅筆不停綴箇箇鮫人淚豈惟四座

驚千載歆風致柰何遺臭夫府中盡騏驎不謀復
中原但自窺神器都生竟入幕嘉也竄下位翻覆
在一瞥天數胡可諉緬想龍山圖還使人酸鼻

送日本蘭上人

浮杯到處即為家客裏隨緣度歲華豈以利名辭
薜荔只將忠信任風波秋帆未落魚龍伏夜月繞
高島嶼多遙想白雲行李好舊山應已罷干戈

又三首

不二門中早策勲扶桑學道孰如君通來脚踏入
間世還向松窓管白雲

海雲臺下浮天浸徐福祠前落木風記得千尋鰲
背泊金雞初呌日輪紅
海中都是羽人家負嶠方壺取次過遙憶夜禪商
榷處一瓶秋水自煎茶

鷄林懷古

月課

連雲草樹舊江山華表亭亭壓市闌石老鮑魚猶
片段城空半月自彎環誰教外侮輕周鼎終見降
王叩漢關千古金鰲閱興廢夕陽和恨滿孱顏

金中樞宗淑挽章代上洛君之父

謙恭仍謹慎處世自怡然志節追前烈箕裘付後

賢三槐祥已應萬石美堪傳樂事窮清賞流光任
暮年紅羅纔記姓黃鶴忽遊仙悵悵東郊道酸風
落夜泉

孝寧大君夫人鄭氏挽章代作

東平為善樂偕老壽闈深福履家人頌儀刑臧里
欽收神仙府遠飛旄暮阡陰芘葛情何已西風淚
滿襟

天賦柔嘉德維城婦道尊一家樛木頌八袞誥花
恩白日仙蹤背斜陽綉閣昏欲知餘慶遠膝下見
玄孫

世家生碩媛早荷九重恩琴瑟徽音盛芝蘭奕葉繁
宗烟輝懿範鬢珮歛芳魂相挽秋風外無端拭淚痕

海市月課

蓬萊仙人霞冠裳宿昔見之頽而長邂逅綽謔發
粲然袖中梨棗遺我嘗懸車羽翰皆所適九九瀛
海聊尚伴回看沆瀣澹如酒跋烏燁燁瞰扶桑海
袖好事露光恠樓臺城郭連窮蒼九衢萬井隨指
點左右貨貝森開張車輿雜還塵肆間紈縠徃來
皆胥商平生塵土慣遊息我喜返却章臺傍仙人

顧我顏不懽酌我勸我青岑觴
靚縷角根未及已忽有衝風來
簸揚須臾變滅了如掃下視鯨
浪空茫茫稽首仙人餉我厚若
醒得醒痺得強涓涓塵世競市
利得喪盡是夢幻場盈虛消息
矧物理何苦機巧徒劬勤坡翁
達道素自負諉諸人厄誰能詳
癡兒何可與談夢且詠孟氏觀
濶章

狎鷗亭上黨府院君請賦

相公雲鶴姿遙天總遊戲不侶
導渚鴻况偶炎洲翠遐情念舒
卷江臯有時至華構絕蕭灑一
片城南地蒼外山庚庚檻前江
潏潏故爲披覽衣八客

聊從倚灝露沁几席清風動荷芰嗒然如喪耦豈
惟忘勢位海漚聖得知日夕爭來萃關關吐商音
皎皎翻雪翅庭除驚歎落群舉自相媚相公莞爾
笑何曾物我視中孚久已熟禽鳥亦不避縱饒滄
洲趣

明主共圖治裨謨嘗適野乃是謀國事安石遊別
墅何妨任重寄廊廟與江湖所憂無二致苟推猗
鷗心吾民其受賜公平慎終始忠獻奚專美不要
養冲素鶴筭猶可冀

同前代作

城南十里江如練探討何曾足重趺一朝華宇臨
芳洲千古天慳忽三見燮理之暇携賓朋手中只
有蒲葵扇忘機不獨漁爭隈漚鳥皆能識公面霜
毛雪羽絕纖埃搖裔飛鳴助歡譙不學巧語籠中
鵬肯作附炎堂上燕幾微一動色斯舉海客所以
難得便相公胄次無物我來狎還如被深眷陶鈞
萬彙舉此耳先憂後樂公曷倦中朝學士今歐陽
搗辭揮灑鵝溪綃知心不恨無其人事業當永忠
獻傳

中朝侃譙作記

上黨府院君詩卷

府院君少時不得志薄遊四方聞徐公居
正康公孝文在北原法泉寺振衣於叅齊
先生公與權吉昌學亦赴焉後臨別徐公
書古風一篇贈之及貴錄徐詩為一軸請
諸公和之某將赴咸陽府院君並與狎鷗
亭索賦

有莘耕叟南陽翁何人物色塵埃中皇天老眼無
今古欲降大任先霸窮西原喬木世濟羨相公矯
矯人中龍早歲落魂不自衒胸中能辦麒麟功想
像負笈法泉社乾坤勝氣輸之東同遊諸子盡人

傑嘯傲巖壑皆清風豈知時事一朝改妖氛滿國
烟濛濛相公奮衣起東山手轉日轂咸池紅經綸
開濟靡餘力鼎彝不足鐫黜膚英雄事業信難料
萬人平地看冥鴻何況兩朝元舅尊休戚肯與諸
公同舊遊回首入懷抱至今柏樹號秋空尋詩夢
到鴈塔下彷彿猶趁閣梨鐘

臘日

上奉

世祖神主祔于大廟備法駕

還宮傑以外補未綴舊班有作呈國華

六日

今年臘日暖如春渠柳垂垂物態新
血血闕宮傳

萬舞平平馳道燦三辰
寬恩渙汗原輕繫法酒邊
薰醉近臣自愧一麾為俗吏
朝衣未惹屬車塵

佔畢齋集卷之七

書許金山混詩卷

許為太僕與予同日補邢

金馬幾年為近侍
思親乞郡已三章
堂前喜有平反笑
水上忍照差科瘡
歲荒要盡崇安策
政舉須揮北海觴
明日漢江江畔路
共看楊柳眼搖黃

送楊學源以書狀赴明

差余得荒郡
送子客燕臺
春興復芳草
鄉愁應落梅
風搏承異渥
吏慙愧非才
早晚金陵月
同傾巵甲杯

學士樓下梅花始開病中吟得二首

學士樓前獨立仙相逢一笑故依然肩輿欲過還
攀慰今歲春風太劇顛

春慵和疾過清明官况惓惓睡易成吟到梅邊幽
興動吏胥爭道使君醒

病稍間行春

病裏情懷一半新忽驚節序是陽春花光不減豐
登歲詩思全饒濟倒人但約吏民勤樹藝休將簿
領擬經綸東臯雨歇倉庾咽須把禁車日日巾

蘭竹二軸晉州鄉校教坊獻疑恤使右贊成

尹弼商

清風巖下國香回誰為皇華一併栽標致從來君
子行世間花卉總輿臺

燕尾龍雛伴靚妝誰知苦節與幽芳細看來自琪
花苑清玩真堪著廟堂

聞俞生寅好仁落第還鄉寄詩

既與帝鄉辭庭闈慰所思休將泣玉淚枉洒弄鸚
時薄况詩書誤衰容歲月知急來須共賞花信尚
留枝

和廣陵君南原東軒韵代從事鄭可貞

此居在

南土生靈食已艱皇華到處盡歡顏自知從事無

奇策且愧支頤看故山
麥浪欲搖墻側畔花須猶
照樹中間良辰如此正羸
滿未忍輕輕說得閑

廣陵即李公克培時全羅道大饑公為賑恤使可貞為從事官

又廣寒樓韵

天涯弭節倚高樓
掛起簾旌不轉頭
風旺綠林山似拭
雲開盡棟瓦如流
冗中易記芳時恨
客裏還成古國遊
滿目間闌尚枵腹
青燈舐筆思悠悠

送袁上舍之咸昌成親

四月咸寧縣祥鍾
富貴家應尋薪斧
約幾好瑟琴和吉
士吟梅實長松托
女羅青雲知不遠
為賀小

登科

和申惠翁贈聰上人

栢子香中禮鴈堂
啼鵲何苦怨流光
浮雲莫道無心物
朝暮隨風度澗岡
上人
有子規啼苦之句

蝸角功名競自賢
山僧只餚練元田
愧余一作塵埃吏
故計還愁落暮年

嚴川寺午睡

麥熟何妨省教條
偷閑甞憇野僧寮
偷然午睡無人覺
只有林間婆餅焦

宿嚴川寺

練元田
作鍊丹

嚴川寺裏俞林我煮茗清談愜素期一夜簪纓渾
忘却灘聲驚夢忽尋詩

明日祭聖母廟有雨

神母廟前嵐氣熏瑤漿三奠雨紛紛回頭更向山
椒望猿鶴松杉盡白雲

前峰已失後峯青屏翳撩人不解晴誰盡遨頭一
簑笠滿村風雨看苗生

李錄事順之惠櫻桃兼有詩次韵

薦廟恩頒是故常瑛盤火齊座生光如今野外筠
籠三忽憶金盤帶醉嘗

答國華

自笑平生適越冠，世情爭得耐孤寒。
少時問學和熊膽，末路聲名混鼠肝。
簿課只能拚畫諾，親朋誰肯報平安。
蒙君珍重金鑾詠，觸撥幽懷仔細看。

又答國華永叔

竦慵豈是薄淮陽，只恨花軔未沐芳。
偶上頭流望京國，塞雲故盡日蒼茫。

寄賀金壯元訢金
今年為壯元者薦入玉堂

殿前聞道選青錢，添却蓬山一箇仙。
自是心存溫飽外，懷中應得筆如椽。

聞世蕃有妻服寄詩

一別三春幾度思
况聞君賦悼亡詩
玉堂羣飲應無數
也有醒來錯喚時

用國華韵寄磬叔磬叔時服未闋

惆悵何因見素冠
頭流春盡眼長寒
欣欣有夢同騷雅
悄悄無人共肺肝
非是長沙投賈誼
况聞金馬召嚴安
會當與子重携手
殿後鞋紅把酒看

悶雨

丘水溪少遇驕陽
多稼連雲欲就荒
悶聽兒童呼新場
行看原野舞鵲鷄
誰教天斬千鍾澤
自識心

為一炷香太守無良民為罪頭流空只聳青蒼

韓同年從俞惠桃兼有小詩次韵

松竹閑元亮溪山擁醉翁由來同氣味何事未從

容

又

細桃有佳實來自浣花翁不是瑤池種猶堪澤

容

山陰換鵝亭次李節度使克均二首

身馭冷然鶴背天赤熒當午似無權映雲雨脚憐
憐過隔竹花香冉冉傳已辨遊人眠薤簞休煩假

守示蒲鞭日斜江上聞漁笛疑在嚴光釣瀨邊
玲瓏華梓樹陰重未省炎風最不中水赴丹嶽清
鴻鏡山連青鶴翠磨空烟霞有分勤相逐杯酒隨
宜覺易濃為報吏胥毋溷我簿書堆案即塵籠

七月二十八日禱雨

遊潭廿一

兩崖束崩湍十里間雷吼石狀自千萬其上多嵌
竇疑是神龍居偃蹇焉稽首

其二

蒼蒼天王峯雲霧若饒饒頃臾剖開豁草木繁了
數我行非為山膚寸胡不瘳

其三

居民自團結茅屋臨溪水
舊聞青鶴洞茲村無乃
是深慚父老言今有催租吏

其四

猿呼鳥復噪四山忽已暮
回汀窳杜若葉葉沾涼
露聊就蒲薦眠秋聲在高樹

其五

竹厨飯菰米夜依巖下宿
擡頭望雲漢不見群獐
浴愧無憫農誠神龍應瞑目

書金蘭契軸金古甫有請

四海猶將意氣求，況同鄉黨易為儔。
春花秋月相招飲，南埭西陂共釣遊。
榮辱十年休自負，光陰百代好交修。
丁寧更結金蘭約，市道令人謾怨讎。

和朴司諫安性見寄朴余同年也時持服在

竹山

誤恩曾許左符旼，猶着金華侍講衣。
便合投簪江海去，故磯魚鳥夢依依。

知君高義薄雲天，忽枉山中白雪篇。
聞道萬松無鹿觸，風聲端向後人傳。

送姜與齡

陽山窮處正無聊忽得楚音慰寂寥早向北方聞
燄燄却於今日看翹翹秋風客况強如訴別路醒
吟馬不驕盃酒殷勤莫相捨春來知子上扶搖

晉州教坊歌謠獻吳觀察使

伯昌

滿江紅

鳳岫菁川人道有神仙遺迹今又見喬卿冕服象
先旌節原隰風聲馳海上瓊樓喚點蓬萊籍便歡
情如許水增深山增碧

秋日淨秋霄寂期易失時難得儘洞房清敞芳樽
明月雲雨未排臺下夢鴛鴦已暈機中織願星軒
流憇一霎兒娛今夕

凡於驛路上記所見

九月青青禾未收
八公山下不宜秋
老翁拾得蕪菁子
背立西風滿眼愁

和鄭密陽亨

誰教玉上點青蠅
菰米鱸魚老季鷹
何處最宜陪笑語
菁川風雨五更燈

釣瀨時時笑子陵
不將功業佐中興
如今愧殺塵埃吏
却望青山學臂鷹

和朴盈德

青衫華髮忝專城
田里愁聞喚咍聲
魂夢只應尋

故國鶯梁鶯渚夕陽明

郡齋即事

頭流秋氣日
稜稜曲檻
踈檻却懶憑
牆影半隈三
畝竹樓陰
全護一池水
使家下令真
流水徭戶
歲暮若亂繩
吏散客
故歌枕睡
夢魂猶自臥
青綾

和國華見寄

莫惟
猗康懶作書
朋情猶自惜
離居別來應
得頭
銜改聞
導新詩錦
不如聞國華三魁文臣賦詩將加一級

又次國華

北斗浮雲外
南衡漲海頭
酒盃思爾汝
詩句失陽

秋自愧承流拙遙聞視草優著書今幾許不必為
窮愁

十月連日大風

天涯長至後十日九顛風發發晨方怒輶輶夜愈
雄茅茨掀欲盡雞犬送將空休咎邦客議爐頭火
政紅

苦雨

山中已流火陰雨久淹時不獨蜀天漏頻煩唐帝
咨孤城深欲圯新黍濕難炊一歲災重疊民生那
可支

立春夜彗星暫微 十二月十九日

龍頭夜夜弄天機
照牖光芒忽覺微
自是吾王能
警懼明朝應作彩雲飛

宿加祚縣

縣屬居昌高麗三別抄之亂巨濟吏民渡
海奔迸于此遂僑寓焉本朝初還其舊土
至今號此縣為巨濟又村名尚帶鵝洲松
邊烏攘等稱

桑柘人居密空留海島名溪山共隱逸
父老說外
平夜靜豚鳴圈簷虛月到楹酒醒仍喚燭
方信俗

塵縈

朴盈德自湖南還饋以甘子奉母
海上黃甘抵鵲餘蒙君分與意何如殷勤是箇懷
中物老老仁心正起予

盈德見和四首更以麀肋為贄戲呈

山中赤吏鍛脩餘代報瓊瑤愧莫如數肋橫穿容
或辨將軍競病謾欺予朴能射且貌壯人或疑武夫

春興

叵耐髮蕭蕭堪嗟魏闕遙千峯雲色盡二月鳥聲
嬌覓句乘休日看花怯早朝愧無清靜化民俗厭

行往

還春塘放翁集并寄梅一枝

春塘并盈德號

獨喚梅花葉閑吟陸子詩永霜真面目風月舊肝
脾處世恒殊調頗神不厭飢平生雋永味為報故
人知

花長寺僧寂然持蘭而至

巖谷成嘉遁胡僧斲白雲風騷曾托契塵土不關
君穗已先春擢香宜八夜聞花蕊與鉅砌閑草謾
氛氲

和克己咏梅五絕

敢為靈均怨蔽賢
羈孤澹泊乃其天
病夫癡絕能相識
遮莫人看不直錢

極知尤物納交難
蜂蝶何曾偷眼看
穠李妖桃誇豔骨
暖霜先自不禁寒

亭亭古貌籊芳塘
春在先生拄杖傍
刮目幽懷空脉脉
晚風遮斷石樓香

烟雨無心長別枝
春風婉婉客將旼
攀條可忍聽羌管
老覺乖張百不宜

微吟相狎故園中
剩有西湖處士風
今日簿書迷病眼
肯妨俞子賭芳叢

三月三日與晉州判官崔榮朴盈德吾仲容
兄俞克已都生負鄭生負希韶等為楔飲
年光又是暮春初花雨晴來化日舒
被楔豈緣徐氏女風流空想右軍書
縱無絲竹堪娛客喜有溪山不負予
太守扶敝民勿訝醉中應得夢華胥

三月初九日與客飲雷溪上克已以事不赴
明日有詩次韵

擷芳賒酒碧溪灣
鷗鷺魚蝦樂一般
莫訝接羅花下倒
春來纔得此偷閑
白瘦紅飄綠漸肥
使君多病廢吟詩
雷溪忽爾供

清興飲到林梢月上時

每春月輒傷風今年尤甚有使客來強為迎

接因以增劇閉戶服藥悶冒而作

深深閉戶思難聊暖日和風不我饒九藥何嘗忘
國老烹鮮唯喜失陽橋每因身病慚尸樑敢向王
官懶折腰終擬角巾製水上野人相與話漁樵

賀春塘納贅

一簾金

咸陽三月鶯花開年少仙郎却勝王濛貌金雀弄
間木更巧紫姑吉語誰能撓里閑相知非管豹
閤閣風流不復銚銖較但願熊羆新夢覺一生膏

得離孫孝

喜雨 水調歌頭

春早年麥盡槁水種愆期四月初三日予
遣郡人朴由信往禱于聖母廟又令童子
呼蜥蜴數日得雨以誌喜

蒼虬久幽蟄赤羽欲燒春東陂西埭俱涸畦隴但
黃塵五日十日不雨無麥無禾可懼念此損精神
二簋雖玄薄王母眷明禋却喜今朝雲勢好澹平
勻回頭方丈山下雨脚正紛綸滿眼桑麻惹舊四
野鉏耰如織生意一般新我有芳樽酒自酌慶丘

民

春塘用工部韵賀兩次韵

長羸初紀序雷雨活幽生麥颰千畦浪蛙謹兩部
聲揚梅陰處熟巢鷺立邊明庶見豐登樂笙歌滿
一城

甘雨翛翛至嘉禾繹繹生田原俱豫色燕雀亦和
聲笋欲穿階迸花猶翳葉明開搏看物理清興付
詩城

挽晉州牧使權良

年來屬郡荷相知一片襟懷自坦夷喜客情濃呼

酒處醫民仁洽義倉時龍蛇直歲初驚夢柳絮迎
風更助悲回首菁川人不見誰將遺愛紀豐碑

八羅峴

高麗史雲峯要害處是庚申倭寇踰此屯荒山為我太祖所殲

此地聞要害曾經海島兵喬松巢鵲下廢壘野狐

山踰嶺雲烟積登樓襟袖清

引月驛有樓

村名隨諺改

何處是阿英

即雲峯縣三國地理誌一云阿英城

荒山

在雲峯縣引月驛西北二里我捷處也至今樵者斫古樹多得矢

太祖

時流血滿溪澗七
日色不變

白羽彤弓每擲風至今父老說神半鴨江紫氣南
來銳鯨海斑衣一舉空樹木尚啣遺鏃老溪流猶

借晚霞紅當時祖烈真無競何物螟蛉敢自雄

省稼西境汾八羅溪歷坊谷

坊谷在郡之十里余改号西溪

勸農職所宜雅志在巖棲遙野偶巡稼故故汾西
溪盤石二三里逝水清無泥行人不堪唾遊魚亦
自迷噴薄翳鳴猿泓澄鑑山雞時從略約渡曲岸
草萋萋唯思曳芒屨豈合散馬蹄荒日隱蒼巒謝
豹雲間啼候吏不省事前呵驚鳬鷺萱花秀石縫
色映連漪低忘憂寔可喜采采煩詩奚對影出谷
口寒畦連尺隄聞有老蛟睡虎頭悔不攜雲霓久
未吐腥骨真可刳

勸農至馬川宿君子寺早甚是日雨贈通上人

草樹藹前峯遙看水墨濃
啜茶聞宿鳥題竹到殘鐘
雅興須探勝孤懷只憫農
生公今住錫可喜夜降龍

龍遊潭曲四絕時克已貞叔從焉

潭乃前年
樽雨之夷

下有水潛灘

龍遊潭上亂峯腰八脩穿雲棧路遙
雨裏巖巖頭澆飯罷三人長嘯響山椒

龍遊潭畔石磨礮小若窪樽大埒空
造化見能容

易辨蒼崖回首想鴻濛

龍遊潭底泯雷音也識前年此日心沃曠蘇枯還
有應不須或躍便為霖
岩上澆飯時有雨

龍遊潭下水如油天影澄澄樹影稠方寸人心真
箇樣纔離激盪即安流

六月大雨十日百川漲溢雨若不止水將及
城出巡潘溪岸悶甚有作

一雨已十日頭流雲不開莽莽萬里閉六合但風
雷旱魃既逐北屏翳還為災正恐天河缺仙槎難
迴群山盡呀吐振洩及劫灰豈惟溝塍漬石棹

為之摧黃流若陣馬崩騰復喧呶溜溪一綫甬江
海何雄哉偃蹇百年樹其根蟠九陔顛倒隨漂砂
何異撲檣材桑麻水府遠離落盤渦回婦哭矮屋
底鷄甯窮壁隈孤城僅如斗樓堞東西顧縱起蟠
蛇想吾民實可哀甘霖化苦雨仰訴天恢恢

大水後與裴安陰季厚柳居昌子忠

同詣陝

川迎教書夜渡加祚川宿勸賓驛

六月初四

泂牒向江陽乾坤未清霽翩翩三鳬行邁唯恐
泥澗谷有狂濤僕夫愁揭厲深夜路嶮嶇輕齎亦
顛蹶飢虎我前嘯閃電我後掣馬能更是懼文字

悠狼戾齒角互應答堪備一夕衛時於驢背吟學
作推敲勢郵吏遠來迎松明光矚矚茅屋隔桑麻
烟彘人語細偃僂坐方牀形神逾困廢忘餐共枕
藉睡中成吟嚙且復候晨鷄前途入雲際朝南頭
峴甚
峻丈夫自有役斯勞宜拄杖

自陝川飲還春塘馬以詩為謝

穿林盡日石龍從度壑通霄水擊春往返陝川三
百里行人爭道馬如龍

流頭日飲于鄉校貽少幹

玉堂金馬夢魂微刮目看君柳汁衣為問膠庠二

三子藏修游息與誰敵

山城無事漫爲官
伏日烹羊古所歡
一醉真拚河朔飲
從教薄俗笑儒冠

丹城樓下泛舟

樓在江干江水深
南雲擁日峯陰陰
欲墮猶懸紫崖石
如歌更咽荒林禽
二年趨走阻青瑣
一棹飄颻償素心
使君葡萄酒不可負
物色此間撩我吟

立秋六月二十三日

圭葉落連際還驚斗
指申腰間絨竹使
日下戀楓宸
歲事賜無兩
塵懷故復新
呼燈看一札
飛舜讓

為仁

七夕邀春塘

河邊靈匹度雲車世上穿針術已疎
學士樓前月如練請君來曬腹中書

佔畢齋集卷之八

游頭流紀行

先坦庵

門掩藤蘿雲半扃
雲根矗矗水泠泠
高僧結夏還飛錫
只有林間猿鶴驚

議論臺

兩箇胡僧袖半肩
岩間指點小林禪
斜陽獨立三盤石
滿袖天風我欲仙

宿古坦庵

病骨欲支撐
暫借蒲團宿
松濤沸明月
悞擬遊句

曲浮雲復何意半夜閉岩谷唯將正直心倘得山
靈錄

中秋天王峯不見月

抽身簿領陟崔嵬剛被良辰造物猜霧漲寰區八
紘海風掀岩嶽萬壑雷勝遊天柱知難結清夢瓊
臺未擬回時有頑雲暫成罅誰能取月滿懷來

看積庵無僧已二載

携手扣雲關塵蹤污蕙蘭澗泉猶在笕香爐尚堆
盤倚杖秋光冷捫岩海宇寬殷勤報猿鶴容我再
登攀

宿香積夜半開霽

飄然笙鶴瞥雲聲千仞岡頭秋月明應有道人車
車

鐵笛更邀回老訪蓬瀛

再登天王峯

五嶽鎮中原東岱衆所宗豈知渤海外乃有頭流
雄崑崙萬萬古地軸東西通幹維掣首尾想像造
化功繫我之仙骨塵埃久飄蓬牽絲古舍速茲山
在雷封省歛馬川曲時序秋正中試携二三子翫
月天王峯捫蘿恣登頓足力寄短筇山靈似戲劇
霧雨魚鱗風齊心且默禱庶盪芥滯留今朝忽清

霽神其諒吾衷遂忘再陟勞絕頂窺鴻濛浩浩俯
積蘇如脫天地籠群山萬里朝眼底失窮崇北望
白玉京滅沒南飛鴻溟海即咫尺際天磨青銅奔
蠶與隔夷雲水和朦朧遠瞻若迷方近挹忻竒逢
蒼虬舞素壁赤羽佐晴空萬壑水奔流遙迤拖玉
虹十洲隱積皴指顧面之同諸峯悉醞藉有似兒
孫從般若欲爭長紫蓋於祝融懷哉青鶴洞千載
秘仙蹤長嘯下危磴如將值青童飈拂起輕霧返
照明丹楓雖負端正月真源今已窮倏陰而倏晴
予意牋天公累繭不足恤信宿青蓮宮明朝謝煙

霞繩墨還忘念

中峯望海中諸島

前島庚庚後立立蒼茫天水相接連似有雲帆疾
於鳥古來說得乘槎仙似真貪嶠更何處巨壑不
動應酣眠寄書紫鳳問舊侶我今亦在方丈巔

靈神餐

箭筈車箱散策回老禪方丈石門開明朝更踏紅
塵路須喚山都沽酒來

青鸛仙人何處棲獨騎青鸛恣東西白雲滿洞松
枳合多少遊人到自迷

千載一人韓錄事丹崖碧嶺幾遨遊滿朝卿相甘
奴虜妻子相携共白頭
雙溪寺裏憶孤雲時事紛紛不可聞東海故來還
浪跡祇緣野鶴在鷄群

下山吟

杖藜纔下山澄潭忽蘸客驚竒濯我纓瀏瀏風生
腋平生號養山水今日了綈履顧語會心人胡為
形役

朴錄事由孝饋西水茱即進納尚州

珠宮波浪幾時開探得驪龍乘刃回異味豈宜烟

火腹遙憑計吏貢蓬萊

春塘饋楸實有詩次韵

凝川西畔撫連楸詩興難禁落子秋今日滿槃堆
皴殼故園思若東流

送大虛還對珍曹偉

我昔廿三娶君姊明年君始陳孤矢當時手撫千
里駒只今已作天下士從遊天嶺月環紉定省更
欲窮羽陵簿書偏側吾老矣者君直向道山登
我試與子凌青壁不辭胼胝恣捫歷鐵鎖遙攀石
扇開忽覺蒼蒼天一握衆山毫芒何足籌緲緲瀛

海繞客舟所處益高見益大持以贈子寬離憂

學士樓池上躑躅盡開

閑搜老物小園中徙倚幽欄曲沼東
千柄芙蓉俱已倒兩株躑躅忽能紅
似從黃菊爭時令可怕青姨弄化工
聞說神京更融煖桃李櫻杏爭春風

時漢陽桃李梨杏凡花卉皆盛開繁麗若
春人摘青子食之

次繼中

沙介驛吏也頗能走筆

看渠襟韻儘澄清每把幽吟撥不平
莫擬戴盆生帳望誰知填海在精誠
濫溪曉色鳬鷺閑方丈秋光草樹明
屠釣猶堪忘歲月閑愁無奈鬢星星

重陽文廟落成仍送貞甫如京

古郡如今廟貌臧
慶成佳節屬重陽
一聲過鴈西風外
千里征人北斗傍
短髮蕭蕭烏帽側
寒花燁燁瘦攢香
越朝定被交遊問
絃誦無聞玷玉堂

奉安使晉山君歌謠

頭流姜姜太史也
太史晉山人捧世祖
睿宗寶錄藏之星
山遂遊故國父老歌焉
峻極頭流吾邦所瞻
爰有磐石竹箭松栢
維南有海鯨鵬涵淹
物產之秀淑氣所霑

公吾邦人實稟海嶽
首物鍾姜為世先覺
道德之

崇夫誰敢敵文章緒餘亦自追琢

皇矣我三祗勤繼述公在于朝王擬丞弼汗

簡灝噩亦載其筆人具有言班馬與匹

兩朝編錄堯典禹謨金匱石室藏副台都王命

如綸公疾其驅曰既竣事公噬于于

公今來思邦人悅喜悅喜伊何星鳳咸視維海維

嶽德色亦爾毋我戰遺公車頌祝

贈羅月軒明上人

堂前蘿月白紛紛鶴唳猿聲取次聞勘破三三時

出定更將清料吊孤雲

吾友郇川止止堂談師貌頓骨彌強如今更接清
詩讀林下幽蘭剩自芳

天嶺病夫頭欲雪郇山大士眼勝藍他年許入紅

流洞湏遣螺音出翠嵐上人常依一海螺山林或

知上人之至目為螺僧云

奉和金觀察使雲峯所寄韵

經幄三年幾責難湖南今庇屋千間若為故國移

旌節後學人人仰泰山

樊籠每恨奮飛難霽月光風夢想間忽覩郇公雲

五朶應隨一騎過荒山

又呈金都事首孫

南堂聞說不辭難
今佐棠陰嶺海間
咫尺阿英阻
清話征輶况過萬重山

和高靈府院君代尹晉陽子滌

細木備椳闌
小草入炮煎
用材亦如是
唯以充官
聯周公勞吐握
海內得安眠
當時百執事
豈殊衡
下懸相公三代遺
門前桃李稠
幾年領縉紳
未遂
逍遙遊籠儲
為醫國
洩勃靡
不求鑽龜構
大厦何
嘗用道謀
岩穴皆奮厲
擔簦應鵠頭
頗聞朝野頌
斷斷復休休
不然曠天工
誰謂憂君憂
遠猷與展

告煥乎百世規顧惟驚鈍資早受青雲知小大不
中用奚勤拂拭為無益倚膏沐或自矜商威造化
似委曲偶爾諒非私腰間綬若若風俗未轉移瘠
民糜厚俸面多發慙時終為鑑識累負德實在茲
雄篇荷獎勸和氣排冬曦庶作座右銘履行甚坦
夷門墻但遼邈曷慰悠悠思

奉和仁山府院君晉州東軒韻

仁山以三道提堰巡察使到晉州上遣內
官李存併觀察使坡平君尹弼商賜宴又
各毛衣一領鹿皮靴一部仁山與坡平以

十月二十三日拜箋謝恩仍次東軒韻

以記其事仁山命宗直亦和

鳳銜丹詔至北極
龍光新我聖天同
德惟公嶽降神驪
虞千里達幽隱一
方伸自是鴻遵諸
端能慰遠人

又宴鳳鳴樓走筆次板上韻

大霧高牙駐海湄
江山是處轉雄奇
衣冠禮讓真三代
龍虎遭逢此一時
日薄漁樵散巷老
夜深燈火下樓遲
相公醉德留華韻
頃被佳人鳳管吹

卷之八
晉山教授鄭美中

湖山百里絕追胥愧我離鄉不定居太守溫仁君
慎重遙知不嘆食無餘

聞仲兄與俞克已遊長水寺

聞說携朋長水寺暫時清賞謝氛埃虹橋泃泃吟
同度金地深々步幾回病客自能違夙尚寒猿應
亦識高才蘄溪日繞孤臺下早晚詩瓢遠泛來

答善源

攬鏡悲華髮看雲嘆白衣環滁山與水病守自忘
機

臘宴老人是日有風雪 初九日

臘日猗飈不覺寒四村鳩杖共排班
初筵秩秩粗為禮既醉喧喧競自歡
朔雪亂霑浮蟻杓仙花低襯凍梨顏
殷勤為霈皇恩澤留與他年作畫看

荅尹生負孝諧

曾是賢關壓衆英遭時况復泰階平
早辭冀闕雲間紫終戀神山海上青
把酒幾尋文杏館看花頻到富春城
窮鄉病守烹雙鯉始識丘園亦世情

尹惠鯉魚

挽崔判書

善文同年崔漢公漢侯漢伯漢蕃之父

五福於人備却難公無一欠性情寬
靈椿拔地枝

方旺神劔衝星氣倏殘編簡謾教評宿德鄉閭無
復奉清歡鄙夫豈是雷同哭為忝當時子姪看

十二月二十五日宿山陰夜甚寒

臘底宿房陰尖風抵隙侵今冬此寒苦永夜客懷
深火盡重添炭屏穿屢搭衾陽春何日布慘刻較
人心時縣人訴縣監鄭蘭秀下監司凡二十二事
余以推効未宿

上元日謁仲容兄於安陰與安陰明府及李
進士祿崇都訓導永昌俞克己韓百源飲醉
還夜將二鼓雪月交輝過濫溪有作時都韓
三人從還

天地中間不動塵
嫦娥滕六最精神
緩騎白鳳肝
腸吟過孤臺共四人
醉罷鵲原鷄欲棲清光
上下屬吾儕
非關興盡仍
回棹莫把濫溪比剡溪

病中三首

數日屏虛箇誰憐
影弔形耳邊
聞肅肅眼底燐
燐燐醫以庸拋藥
兒因懶廢經
乾坤生意滿
不恨貧
彫零

山城民事稱謏才
况復清癡世共咍
畫戟未驅貧
使去陽春又帶病
俱來半窓明暗身
全什古史興

二眼忽開五隋雪消簷溜直便思扶僊探溪梅

時久病吏告公私康已竭又病隔閣唐六龍勛黃巢等亂故第三句六句及之

積日支羸甚西窓坐學趺雪餘萱欲動城晚樹堪
圖眩眼慚毛穎行年直計都東臯檢民事儻得藥
工夫

正月日大雪余以久病不出克已在東軒看

梅與竹仍有小詩次韵

姚魏風流闔淺深居然寧耐雪霜侵年來座值梅

花瘦不是逋仙不解心東軒旧有牧丹過客多題詠予到官牧丹已枯更植

梅一本

新火新年已取榆雪華猶自壓墻隅鈎簾為語瀟
湘丈不獨人懼君更懼

克己以梅數萼來贈無有此詩次韵

多病神觀不覺低花今訝我亦含悽人家竹裏應
璀璨準擬籃輿東復西

皴冰緘麝立東風寓世真能不自工逢着病夫還
嫵媚與君今好却非公

以日本硯贈克己有謝詩次韵

雕鐫玉骨妙秋毫海舶年年索價高色似馬肝能
潑墨滑勝龍尾恐飛濤嗟呀謾擬三錢直提拂還

蒙一字應此物於君真耐久登壇須與振風騷

硯四隅刻栗樹其根墁及栗莖與楔極工
余新買於熊川薺浦

善源看余頭流錄寄以詩因言明年告休還
鄉須携我再遊以副宿願次韵却寄

萼谷花峯壯海陲此間不可欠君詩山靈暗許非

生客為問明年故未故

萼谷花峯李仁老狀此山之語

仲容兄諒落梅一首自云復諒學士樓前新

柳自午至晡未得一聯不覺發憤欲輟餐第

用其韵吟呈

臨池濯濯自知時免被征人浪折枝唯有嬌春情

緒在憑風縹出萬金絲

觀察使鄭孝常歌謠

龍肅美方伯鷄林君也君以納言之長受節鉞巡宣于嶺南能盡糾舉師帥之職焉

聖人在上必有賢弼從龍從肅千載同轍豈弟君子實降于嶽

申伯柔惠山甫明哲夙夜匪懈以補袞闕豈弟君子三事為則

堯有四岳周有方伯漢二千石寔今憂責豈弟君子王之攸擢

開鏡子滄海闊兮展轉不寐良物兮豈第

子勤崇爰兮
奸蠹祛矣雀鼠息矣勻勻原隰時雨洽矣豈第君
子民胥活矣

龍龔卓朴只廉來劇只薰猶韶漢庶昭晰只豈第君
子肯憚勤只

考績幽明昔人所慎民之肥瘠開節爲譽豈第君
子毋詒悔吝

我衣斯褻我珮斯長我音斯好以矢道傍豈第君
子容我斐狂

龍席八章章六句

送克已遊馬川

探討溪潭入洞天
眉頭先已惹雲烟
芒鞋竹杖尋前約
水穴風巖似去年
歲月不饒旬漏令
笙簫空想武夷仙
煩君問訊山中叟
有幾追胥苦索錢

代林密陽壽昌次領相

西北停雲鵲鵲浮
不堪回首上岑樓
何時得再窺東閣
尺紐要章我欲休

梁山澄心軒下泛舟呈士廉

剡水綠鱗鱗
江湖興轉新
斷崖堪曉發
落日且忘

綸折竹疑黃帽跳魚開白蘋莫嫌無粉黛官道有
行人

幽賞須臨水高樓未折醒柳邊撐畫艇竹下響簫
聲群吏參鷗鷺遙燈替月星更深仍信棹巾履露
華清

李錄事順之以櫻桃竹笋為餉

千顆朱櫻四簞龍人言饒守剝吳儂清名雖愧投
盛飲猶免臙葷點汚膏

奉和高靈申相公相公詩為親屈小邑雞
肋試牛刀地僻無多事頭流入眼高

深慙雕篆手學製把鉞刀日夜瞻霄漢唯知北斗
高

食白櫻桃

甫里詩中但識名傾籃此日眼初驚一團甘露含

消處肯信葡萄有水晶

陸龜蒙詩曉日靚粧千
女白櫻桃下紫綸巾

晉州舉子都會試日牧使有詩次韵

白袍今日正逢場欲及槐黃意更長得失莫將空
易議濯纓濯足在滄浪

試罷又次

公牒相逢醉一觴雙清堂上笛聲長今朝已袖雄

黃手好向湖山作漫浪

又與永叔

誰言宦路積薪場二十年来覺味長
烟雨菁川圖畫裏不妨詩酒共耶浪

和槐院諸公

三載三刀夢清遊阻鷺班五雲高處望愁殺賦囚

山

李錄事又以李實為餉

甘鮮真是君家果手把題封箇箇看
病裏飽嘗嘉慶味更教童稚繞冰盤

允了作鍾子期聽伯牙琴圖題其上

老樹清風月逆雲兩人襟韻在桐君早知古調隨
絃絕一闕峨洋聞不聞

允了又作咸陽郡地圖題其上九絕

拾榆地接卞韓墟襟帶中間星散居莫恨廣輪無
百里徵科有暇及詩書

玉簪羅帶筆頭生野老遙看却道名太守蒼顏無
白髮西谿宜看醉翁亭

神功聖德史班班觀縷難容顏右間要向雲峯觀
戰地長途一線繞荒山

去年塵土污岩壑望嶽樓中更覩顏却恐英雄
重淖洞門牢與白雲關

蘆溪西岸路縈回黃石奇峯駭馬來日暮花林風
雨橫斷雲飛過大孤臺

窮寇當年接短兵將軍腥血清鞶纓郵人爭說前
朝事指點青山一片城

激激清湍郭外音獨吟騷句爽煩襟有時拄杖攔
飲鶴落日霜飛大館林

塚上青青連理枝行人爲唱華山畿如今月白孤
狸嘯應是春魂化蝶飛

神魚撒刺滿臨川見說來從小有天太守饒於流
不盡秋菰春韭度年年

萬里青雲志未收
一官何處是清秋
東風吹盡楊花雪
西日紅殘杜若洲
歸路已隨流水遠
客心空逐暮山愁
不知何處尋芳草
只有青青在道頭



